

Na osnovu Člana 57. Stav 4. Zakona o zaštiti ličnih podataka Bosne i Hercegovine („Službeni glasnik BiH“, broj: 12/25), Člana 108. Zakona o odgoju i obrazovanju u osnovnoj i srednjoj školi u Kantonu Sarajevo („Sluzbene novine Kantona Sarajevo", broj: 27/24) i Člana 5. Pravila JU Srednje škole za tekstil, kožu i dizajn Sarajevo, Školski odbor Javne ustanove Srednje škole za tekstil, kožu i dizajn Sarajevo je na LXIII sjednici održanoj dana 21.10. 2025. godine donio sljedeći:

PRAVILNIK
O VIDEONADZORNOM SISTEMU
U JAVNOJ USTANOVI SREDNJA ŠKOLA ZA TEKSTIL, KOŽU I DIZAJN SARAJEVO

I PREDMET PRAVILNIKA

Član 1.

Pravilnikom o videonadzornom sistemu u Javnoj ustanovi Srednje škole za tekstil, kožu i dizajn Sarajevo (u daljnjem tekstu: Pravilnik) bliže se određuje uspostava, pravni osnov, svrha, upotreba videonadzornog sistema u prostorijama Škole i u dvorištu Škole i opseg podataka.

II ODLUKA O VIDEONADZORNOM SISTEMU

Član 2.

Školski odbor Javne ustanove Srednje škole za tekstil, kožu i dizajn Sarajevo donosi odluku o uvođenju videonadzornog sistema u Javnoj ustanovi Srednje škole za tekstil, kožu i dizajn Sarajevo.

Član 3.

Bliže odredbe o uspostavi, svrhi, upotrebi, zaštiti i obradi ličnih podataka i završnim odredbama vezanim za video nadzor definišu se ovim Pravilnikom.

II ZAKONSKI OKVIR

Član 4.

Zakon o zaštiti ličnih podataka Bosne i Hercegovine član 57. definiše uspostavu videonadzornog sistema.

Član 5.

U skladu sa Pedagoškim standardima i općim normativima za osnovni odgoj i obrazovanje i normativa radnog prostora , opreme, nastavnih sredstava i učila po predmetima za srednju školu predviđena je uspostava odgovarajućeg videonadzornog sistema u srednjim školama.

IV SVRHA VIDEONADZORNOG SISTEMA

Član 6.

Svrha uspostavljanja videonadzornog sistema u Javnoj ustanovi Srednje škole za tekstil, kožu i dizajn Sarajevo jeste neophodna optimizacija sigurnosti učenika, radnika, roditelja i posjetilaca Škole, u toku nastavnog procesa u prostoru škole i školskog dvorišta, sigurnost objekta i imovine Škole u periodu kada se ne izvodi nastavni proces (noćni sati, vikendi, neradni dani i blagdani, periodi kolektivnih godišnjih odmora) u svrhe predviđene Pravilima o kućnom redu Javne ustanove Srednje škole za tekstil, kožu i dizajn Sarajevo.

Član 7.

Dozvoljena je upotreba videonadzornog sistema u smislu vođenja evidencija u skladu sa Članom 43. Zakona o radu Federacije Bosne i Hercegovine.

V OPSEG PODATAKA VIDEONADZORA

Član 8.

Videonadzorni sistem Škole obuhvata:

- a) Unutrašnje kamere i vanjske kamere.
- b) Nadzorne kamere imaju IR noćno snimanje i osjetijive su na pokret.
- c) Uređaj za pohranu videozapisa deponuje i arhivira videozapise, minimalno 30 dana.

Član 9.

Unutrašnje kamere pokrivaju glavne koridore, hodnike i komunikacije unutar Škole.

Član 10.

Vanjskim kamerama vrši se nadzor nad Školskim dvorištem, ulazom u Skolu, te prostorom za boravak učenika u dvorištu iza Škole.

Vanjskim kamerama nadzire se isključivo imovina Škole i u svom opsegu nemaju susjedne objekte niti se na njima nadzire bilo čija imovina.

Član 11.

Na ulazima u Skolu i oko Školskog dvorišta postavljaju se vidljivi znaci obavijesti:

PAZNJA OBJEKAT POD VIDEONADZOROM!

Podatke o kontroloru podataka odnosno obrađivaču i kontaktne podatke putem kojih nositelj podataka može ostvariti svoja prava.

VI UPOTREBA PODATAKA

Član 12.

Uređaj za snimanje i monitori videonadzornog sistema nalaze se u portirnici Škole. Direktor Škole može ovlastiti drugo lice škole da ima pristup administraciji videonadzornog sistema Škole u svojstvu kontrolora, kada direktor nije prisutan u Školi.

Član 13.

- a) Kontrolor videonadzornog sistema jeste direktor Škole kao odgovorno lice.
- b) Kontrolor je odgovorno lice koje ima pristup monitoringu u realnom vremenu i arhivi videonadzora, te može slobodno da pristupa podacima i obrađuje podatke videonadzora u skladu sa Članom 57. Zakona o zaštiti ličnih podataka Bosne i Hercegovine.
- c) Podacima u smislu stava b) ovoga člana ovlašteno lice, u skladu stava a) ovoga člana, ima u prostorijama Škole ili putem IP veze sa druge lokacije ili mobilnog uređaja.

Član 14.

Pristup administraciji videonadzora, monitoringu i obradi podataka imaju i ovlaštene policijske agencije i ministarstva unutrašnjih poslova u Bosni i Hercegovini uz predočenje validnog naloga.

Član 15.

Monitoring u realnom vremenu nad videonadzorom imaju radnici tehničkog sektora ili druga lica koja oviasti direktor Škole, bez mogućnosti pristupa snimcima, već isključivo praćenja u realnom vremenu.

VII ZAŠTITA LIČNIH PODATAKA

Član 16.

U skladu sa Članom 57 Zakona o zaštiti ličnih podataka Bosne i Hercegovine obezbjeđuje se zaštita i obrada ličnih podataka prikupljenih putem videonadzora:

- a) Snimci pohranjeni putem videonadzora na određenom prostoru na osnovu koji se može identificirati nosilac podataka predstavljaju zbirku ličnih podataka.
- b) Kontrolor koji vrši videonadzor dužan je donijeti odluku koja će sadržavati pravila obrade s ciljem poštivanja prava na zaštitu privatnosti i ličnog života nosioca podataka, ako videonadzor nije propisan zakonom.

Član 17.

Evidencija nad zbirkom ličnih podataka u smislu tehničke izvedbe videonadzornog istema (arhivski videozapisi) definise se Članom 13. Zakona o zaštiti ličnih podataka Bosne i Hercegovine.

Član 18.

Pravilnik podrazumijeva poštivanje Člana 30. Zakona o radu u Federaciji Bosne i Hercegovine, koji se odnosi na postupanje sa ličnim podacima radnika-kada je to propisano zakonom ili ako je potrebno radi ostvarivanja prava i obaveza radnika.

VIII PRELAZNE | ZAVRŠNE ODREDBE

Član 19.

Ovaj Pravilnik stupa na snagu od dana objave na oglasnoj ploči Škole.

Član 20.

Za tumačenje i odredbi ovog pravilnika nadležan je Školski odbor.

Član 21.

Izmjene i dopune ovog Pravilnika vrše se na isti način kao i njegovo donošenje.


Član 22.

Javnost se upoznaje sa sadržajem ovog pravilnika putem službene web stranice Škole.

Pravilnik o videonadzoru Javne ustanove Srednje škole za tekstil, kožu i dizajn Sarajevo se objavljuje na oglasnoj ploči Škole danom donošenja.

Broj:01-1884/25

Sarajevo, 21.10.2025. godine



Predsjednik Školskog odbora



